

全上古三代秦漢三國六朝文



全梁文卷六十五

烏程嚴

王筠

筠字元禮一字德柔小字養拊子天監中爲中軍臨川王行參軍遷太子舍人除尙書殿中郎遷太子洗馬中舍人出爲丹陽尹丞北中郎諮議參軍遷中書郎兼寧遠湘東王長史行府國郡事除太子家令普通末除尙書吏部郎遷太子中庶子領羽林監又改領步兵校尉中大通中遷司徒左長史出爲貞威將軍臨海太守大同初爲雲麾豫章王長史遷祕書監除太府卿遷度支尙書中大同初徙光祿大夫遷雲旗將軍司徒左長史簡文帝卽位爲太子詹事有集十一卷中書集十一卷臨海集十一卷左佐集十一卷尙書集九卷

芍藥賦

梁書王筠傳年十六爲芍藥賦甚美文佚



蜀葵花賦

惟茲奇草，遷花西道。凌金坂之威夷，跨玉津之浩浩。值油雲之廣臨，屬光風之長埽。仰椒屋而敷榮，值蘭房而舒藻。邁眾芳而秀出，冠雜卉而當闢。旣扶疏而雲莖，亦灼爍而星微。布護交加，萼甘紛葩。疏莖密葉，翠萼丹華。藝文類聚卷八十一

爲王儀同瑩初讓表

執玉獻金，卒先五等。親冕迎輅，光導百辟。坐階遠大，遂致隆滿。自位昇朝首，職冠禮間。辭滿之願，將際致仕之請。方奏而思，渥恩皆昭。獎必被寵章，爰降朝野驚矚。是日安石歸禾，固請元規終日致讓。況臣才質空疏，器量庸淺，而可已妄參鉉席，覩貌槐庭。藝文類聚卷四十一

爲第六叔讓重除吏部尙書表

臣聞期星截雁，必俟昆吾之鋒。逐日追風，信資伯樂之駿。未有駘



駕塞足而方聘遙塗、采菟鈆刀而求其斷割、伏惟則哲爲體、事觀  
歷代、明別攸寄、義重前王、必使玉石薰蕕、區別靡雜、涇渭玄黃、條  
流不爽、自非伯豪之天下能稱、仲子之時人歸德、孝先之牧真、抑  
僞、巨源之黜惡舉善、然後可曰銓鏡流品、平均衡石、甄文類聚  
四十八  
爲從兄讓侍中表

至如元勳舊儒之胄、積德累仁之基、九世七葉之華、相韓事漢之  
貴、不然、則子駿之學洞古今、平子之思侔造化、仲宣之辯識無滯、  
次仲之解經不窮、然後可曰喻旨公卿、問對帷扆、陪六尺之輿、通  
四方之意、求之微臣、此塗頓隔、甄文類聚四十八初學  
記十二御覽二百十九

### 上太極殿千夫表

四海爲家、義存威重、萬國來朝、事惟壯觀、憲北辰之居所、正南而  
之尊貴、繡栢鏤檻、延曜光輝、虬柱虹梁、杳冥雲霧、非許鄴之敢倫、  
豈雍豫之能擬、且工徒樂業、庶民自競、一勞永逸、不日而成、信可



曰宴饗百神、朝覲羣后者矣。臣過荷寵榮、祿秩優潤、謹率丹款、上  
夫一千、不足微申晁躍、伏深慚悚。藝文類聚  
六十二

荅湘東王示忠臣傳牋

竊曰孝實天經、忠爲令德、百行攸先、一心靡忒。昔淮南鴻烈、事無  
的準、沛王通論、義止儒術。東平獲譽、良爲片言、臨淄見稱、文辭小  
道。孰若理冠君親、義兼臣子、謹當宣示遐邇、光揚德音。藝文類  
聚二十

與諸兒書論家世集

史傳稱安平崔氏、及汝南應氏、並累世有文才。所曰范蔚宗云、世  
擅雕龍、然不過父子兩三世耳。非有七葉之中、名德重光、爵位相  
繼、人人有集、如吾門世者也。沈少傳約常語人云、吾少好百家之  
言、身爲四代之史、自開闢已來、未有爵位蟬聯、文才相繼、如王氏  
之盛者也。汝等仰觀堂構、思各努力。梁書王筠傳  
南史二十二

與長沙王別書



鶴頓首頓首高秋淒爽體中何如願比勝納承入東禮拜用深傾  
仰昔落後遨遊不無是事或龍舟水嬉或臨川送遠縱金飛旆汎  
此安流猶復見重良書已爲盛德未有選日脩辰歸誠繫念尋法  
城之游逗祇園之聚翹心讚歎無日譬說僕夙疾增瘵羣廢蓬門  
不復執離彌深傾懃願敬勛白書不次王筠頓首頓首

廣弘明集  
二十八上

與東陽盛法師書

菩薩戒弟子王筠法名慧炬稽首和南問訊東陽盛法師弟子昔  
因多幸早蒙親接歲月推流踰三十載欽慕風德獨盈懷抱開目  
山川無由禮敬司馬參軍仰述存眷曲垂訪憶旣荷錄舊之情兼  
佩慇懃之旨歡欣頂戴難爲譬說仰承垂和履福享年九十有四  
嘆絳人之未高同殷宗之遐壽且耳長直已過頂齒剛會不先落  
延華駐彩怡神輔性自非宿殖善因何已招斯勝果尊年尙齒之  
誠懷德敦舊之款依風慕道之深欣羨景仰之至興居在念寤寐



載懷弟子恨此樊籠迫茲纓鎖無由問道撫躬如失庶心期冥會  
咫尺江山道術相忘棄置形迹惟願敬啟保此期頤赤松朱髮復  
何足貴飛錫騰軀真在旦夕指陳丹款殊未伸囑儻惠一言豈不  
幸甚弟子筠稽首和南

廣弘明集  
二十四

與雪僧正書

弟子孤子筠頓首稽首和南弟子覺結幽明備嬰荼蓼攀援崩跼  
肌髓糜潰尋繹煩冤肝腸寸斷號天叩地永隔精誠捨命捐軀終  
無補益思欲仰福廣爲法事日伸罔極之痛少寄追慕之誠鐫像  
度僧仰遵法教建齋設會務依經典敷說大乘誘度羣生其福不  
淺仰惟大正法師道心純淑至德凝深智包空有照通真俗多聞  
不覓機辯無礙一代師匠四海推崇弟子宿值善因早蒙親眷情  
同骨肉義等金蘭外書所謂冥契神交內典則爲善友知識敬藉  
微緣敢陳大願來歲夏中欲仰請講說弘法之情旣無彼此眷愛



之深特希降屈公私道俗要請既多故預諮問必願允遂豈圖一旦忽有斯自臨紙崩劬厝言無次弟子孤子王筠頓首稽首和南

廣弘明集

二十八上

荅釋法雲書

筠和南辱告垂示上荅臣下審神滅論竊聞儻然有見禮典之格言今則不滅法教之弘旨但妙相虛玄神功凝靜自非體道者豈能默領其宗不有知機者無由冥應其會聖主迹同萬機心游七淨哀愍羣生嫗煦庶物滌彼蓋纏勗引解慧祛其蒙惑躋之仁壽信大哉爲君善于智度者也弟子世奉法言家傳道訓而學淺行疏封累猶軫旣得餐稟聖教預聞弘誘一音得解萬善可偕抃躍之情無已譬說弟子王筠和南

弘明集十

與琰律師書

筠和南至節過念哀慕深至情不可任寒凝道體何如想比清豫



弟子羸勞每惡懶。何理眷請勤御比。日來敘遣白王筠和南化。

問帖

雲陽記

車箱阪下有黎園。一頃樹數百株。青翠繁密。望如車蓋。

奉和皇太子懺悔應詔詩序

奉和皇太子懺悔詩。仍上皇宸極聖旨。卽疏降。同所用十韻。私心

慶躍。得未曾有。拈采餘韻。更題鄙拙。

廣弘明集  
三十一上

自序

余少好鈔書。老而彌篤。雖遇見警觀。皆卽疏記。後重省覽。懽興彌  
深。習與性成。不覺筆倦。自年十三四。齊建武二年乙亥。至梁大同  
六年。四十載矣。幼年讀五經。皆七八十編。愛左氏春秋。吟諷常爲  
口實。廣略去取。凡三過五鈔。餘經及周官儀禮國語爾雅山海經  
本草。並再鈔。子史諸集。皆一編。未嘗倩人假手。並躬自鈔錄。大小



百餘卷不足傳之好事蓋已備遺忘而已

梁書王筠傳南史二十二

### 昭明太子哀冊文

蜚輅俄軒龍駟跼步羽翽前驅雲旂北御

藝文類聚卷上

皇帝哀繼明

之寢輝

藝文類聚卷上

痛嗣德之殂芳御武帳而悽愴臨甲觀而增傷式

稽令典載揚鴻烈詔撰德于旌旒永傳微于舞綴其辭曰

式載明兩實惟少陽既稱上嗣且曰元良儀天比峻儼景騰光奉

祀延福守器傳芳睿哲膺期旦暮斯在外弘莊肅內含和愷識洞

機深量苞瀛海立德不器至功弗宰寬綽居心溫恭成性循時

藝文類聚

修祿

孝友率由嚴敬咸有種德惠和齊聖三善遞宣萬國同慶

軒緯掩精陰義弛位纏哀在疚殷憂銜恤孺泣無時蔬醴不溢

遵踰月哀號未畢實惟監撫亦嗣郊禋問安蕭肅視膳恂恂金華

玉璫玄駟班輪隆家幹國主祭安民光奉成務萬機是理矜愍庶

獄勤恤關市誠存隱惻容無愠喜殷勤博施綢繆恩紀爰初敬業



離經斷句。冀得宗師。卑躬待傅。竄資導習。匪勞審論。博約是司。時  
敏斯務。辨究空微。思探幾蹟。馳神圖緯。研精文畫。沈吟典禮。優遊  
方冊。饜飫膏腴。含咀肴核。括囊流略。包舉藝文。遍該細素。殫極上  
墳。勝帙充積。儒墨區分。瞻河開訓。望魯揚芬。吟詠性靈。豈惟薄伎。  
屬詞婉約。緣情綺靡。字無點竄。筆不停紙。壯思泉流。清章雲委。總  
覽時才。網羅英茂。學窮優洽。辭歸繁富。或擅談叢。或稱文囿。四友  
推德。七子慙秀。望苑招賢。華池愛客。託乘同舟。連輿接席。摛文採  
藻。飛觴汎醪。恩隆置醴。賞逾賜璧。微風遐被。盛業日新。仁器非重。  
德輜易邁。澤流兆庶。福降百神。四方慕義。天下歸仁。雲物告徵。履  
沴褰象。星霜恒耀。山頽朽壤。靈儀上賓。德音長往。具僚無蔭。諮承  
安仰。嗚呼哀哉。皇情悼愍。切心纏痛。瘡痍嗣長號。跼踖增慟。慕結親  
遊。悲動氓眾。憂若殄邦。懼同折棟。嗚呼哀哉。首夏司開。麥秋紀節。  
容衛徒警。菁華委絕。書幌空張。談筵罷設。虛饋饌僚。孤燈翳翳。鳴



呼哀哉、簡辰請日、筮合龜貞、幽挺夙朕、玄宮獻成、武校齊列、文物  
增明、昔遊漳滏、賓從無聲、今歸郊郭、徒御相驚、嗚呼哀哉、背絳闕  
目遠徂、轡青門而徐轉、指馳道而詎前、望國都而不踐、陵修阪之  
威夷、遡平原之悠緬、驥蹠足、目酸嘶、扼懷劍而流泣、嗚呼哀哉、混  
哀音于簫簫、變愁容于天日、雖夏木之森陰、返寒林之蕭瑟、既將  
反而復疑、如有求而遂失、謂天地其無心、遽永潛于容質、嗚呼哀  
哉、卽玄宮之冥漠、安神寢之清閑、傳聲華于懋典、觀德業于徽說、  
懸忠貞于日月、播鴻名于天地、惟小臣之紀言、實含毫而無愧、嗚  
呼哀哉、梁書昭明太子傳  
藝文類聚十六

問善寺碑

妙門闢鍵、關之者旣難、法海波瀾、游之者未易、是曰軒稱俊聖、堯  
曰欽明、韶濩有美善之風、文武致時雍之業、地平天成、惟事卽世、  
移風易俗、匪止今身、至如訪道峒山、乘風獨遠、凝神汾水、冒然自



喪咸宗仰黃老之淡景慕神仙之術斯蓋不度羣生事局諸已篤而爲論道有未弘薰風遙露散穰流甘璧月珠星聯華颺葉修幡繞于雲根和鈴響于天外玉池動而揚文寶樹搖而成樂銘曰

亭亭切漢耿介凌煙層巖霞聳飛棟星懸

藝文類聚七十六

國師草堂寺智者約法師碑

結宇山椒疏壤幽岫蓄雲泄雨靄映房櫺浴日涵星翻光池沼震居暇豫畱思幽微研精經藏探求法寶香城寶相之談金河常樂之說究竟微妙洞達幽玄掖庭爲道心之宮華林構重雲之殿師子之座高廣于燈王聽法之筵累多于方丈開寶函之奧典闡金字之微言顯證一乘宣揚三慧辯才無間遊戲神通莫不皆悟無生咸知妄想隨類得解俱會眞如銘曰

形在江湖心超祗鷺思協風雲量包宇宙軒瞰蒼波窗承翠嶺須

枕煙露學持光景

藝文類聚七十六



王述

述天監中兼都令史

丹陽琅邪二郡斷菟捕議

京邑翼翼四方所視民漸至化必被萬國今祈寒暑雨人尙無死  
況去俗入真所引可悅謂斷之爲是

廣弘明集  
二十六

皇侃

侃吳郡人吳侍中象九世孫師事賀瑒天監中兼國子助教拜  
員外散騎侍郎有喪服文句義疏十卷喪服問答目十三卷禮  
記義疏九十九卷禮記講疏四十八卷孝經義疏三卷論語義  
疏十卷

論語義疏敘

論語通曰論語者是孔子沒後七十弟子之門徒其所撰錄也夫  
聖人應世事跡多端隨感而起故爲教不一或負屨御眾服龍衮



于廟堂之上、或南面聚徒、衣縫掖于蟻校之中、但聖師孔子符應  
顏周、生魯長宋、遊歷諸國、曰魯哀公十一年冬、從衛反魯、刪詩定  
禮于洙泗之間、門徒三千人、達者七十有二、但聖人雖異、人者神  
明、而同人者五情、五情既同、則朽沒之期亦等、故歎發吾衰悲因  
逝水、託夢兩楹、寄歌殯壤、至哀公十六年、哲人其萎、徂背之後、過  
隙叵駐、門人痛大山長毀、梁木永摧、隱几非昔、離索行淚、微言一  
絕、景行莫書、于是弟子僉陳往訓、各記舊聞、撰爲此書、成而實錄  
上曰尊仰聖師、下則垂軌萬代、既方爲世典、不可無名、然名書之  
法、必據體、曰立稱、猶如曰孝爲體者、則謂之孝經、曰莊敬爲體者、  
則謂之禮記、然此書之體、適會多途、皆夫子平生應機作敘、事無  
常準、或與時君抗厲、或共弟子抑揚、或自顯示物、或混迹齊凡、問  
同答異、言近意淡、詩書互錯綜、典誥相紛紜、義旣不定于一方、名  
故難求乎諸類、因題論語兩字、曰爲此書之名也、但先儒後學解



釋不同凡通此論字大判有三途第一捨字制音呼之爲倫一捨音依字而號曰論一云倫論二稱義無異也第一捨字從音爲倫說者乃眾的可見者不出四家一云倫者次也言此書事義相生首末相次也二云倫者理也言此書之中蘊含萬理也三云倫者綸也言此書經綸今古也四云倫者輪也言此書義旨周備圓轉無窮如車之輪也第二捨音依字爲論者言此書出自門徒必先詳論人人僉允然後乃記記必已論故曰論也第三云倫論無異者蓋是楚夏音殊南北語異耳南人呼倫事爲論事北土呼論事爲倫事音字雖不同而義趣猶一也佩案三途之說皆有道理但南北語異如何但未詳師說不取今亦捨之而從音依字二途并錄曰會成一義何者今字作論者明此書之出不專一人妙通深遠非論不暢而音作倫者明此書義含妙理經綸今古自首臻末輪環不窮依字則證事立文取音則據理爲義義文兩立理事雙



該圓通之教如或應示故蔡公爲此書爲圓通之喻云物有大而  
不普小而兼通者譬如巨鏡百尋所照必偏明珠一才鑒包六合  
呂蔡公斯喻故言論語小而圓通有如明珠諸典大而偏用譬如  
巨鏡誠哉是言也語者論難答述之謂也毛詩傳云直言曰言論  
難曰語鄭注周禮云發端曰言答述爲語今案此書既是論難答  
述之事宜曰論爲其名故名爲論語也然此語是孔子在時所說  
而論是孔子沒後方論論在語後應曰語論而今不曰語論而云  
論語者其義有二一則恐後有穿鑿之嫌故曰語在論下急標論  
在上示非率爾故也二則欲現此語非徒然之說萬代之繩準所  
曰先論已曰備有圓周之理理在于事前故曰論居語先也又此  
書遭焚燼至漢時合壁所得及口口傳授遂有三本一曰古論二  
曰齊論三曰魯論既有三本而篇章亦異古論分堯曰下章子張  
問更爲一篇合二十一篇篇次曰鄉黨爲第二篇雍也爲第三篇



內倒錯不可具說。齊論題目與魯論大體不殊，而長有問王知道二篇合二十二篇，篇內亦微有異。魯論有二十篇，即今日所講者是也。尋當昔撰錄之時，豈有三本之別？將是編簡缺落，口傳不同耳。故劉向別錄云：魯人所學謂之魯論，齊人所學謂之齊論，合壁所得謂之古論，而古論爲孔安國所注，無其傳學者。齊論爲琅邪王卿等所學，魯論爲太子太傅夏侯勝及前將軍蕭望之、少傅夏侯建等所學。自此教授于侯王也。晚有安昌侯張禹，就建學魯論，兼講齊說，擇善而從之，號曰張侯論，爲世所貴。至漢順帝時，有南郡太守扶風馬融，字季長，建安中大司農、北海鄭玄字康成，又就魯論篇章，攷齊驗古，爲之注解。漢鴻臚卿吳郡苞咸字子良，又有周氏不悉其名，至魏司空潁川陳羣字長文、太常東海王肅字子雍、博士敦煌周生烈，皆爲義說。魏末吏部尚書南陽何晏字平叔，因魯論集季長等七家，又采古論孔注，又自下己意，卽世所重者。



今日所講卽是魯論爲張侯所學何晏所集者也晉太保河東衛  
瓘字伯玉晉中書令蘭陵繆播字宣則晉廣陵太守高平樂肇字  
永初晉黃門郎潁川郭象字子玄晉司徒濟陽蔡謨字道明晉江  
夏太守陳國袁宏字叔度晉著作郎濟陽江慎字思俊晉撫軍長  
史蔡系字子叔晉中書郎江夏李充字宏度晉廷尉太原孫綽字  
興公晉散騎常侍陳留周瓌字道夷晉中書令潁陽范甯字武子  
晉中書令琅邪王珣字季琚右十三家爲江熙字太和所集侃今  
之講先通何集若江集中諸人有可采者亦附而申之其又別有  
通儒解釋于何集無好者亦引取爲說曰示廣聞也然論語之書  
包于五代二帝三王自堯至周凡一百四十人而孔子弟子不在  
其數孔子弟子有二十七人見于論語也而古史攷則云三十人  
謂林放澹臺滅明陽虎亦是弟子數也

論語義疏  
日本國本



賜進士出身二品銜廣東等處提刑按察使司按察使兼管驛傳事務黃岡王毓藻校刊

全梁文卷六十五終



全梁文卷六十六

烏程嚴可均校輯

庾肩吾

肩吾字子慎，新野人。爲晉安王國常侍，隨府授宣惠參軍。歷中郎雲麾參軍，並兼記室。及王爲太子，兼東宮通事舍人。除安西湘東王錄事參軍，領荊州大中正。遷中錄事參軍，太子率更令中庶子。簡文卽位，進度支尚書，有集十卷。

爲武陵王謝拜儀同章

臣宅廢紫霄，聯休皇極。地均指日，旣無迹而成高。仕若乘風，故不行而自遠。今者四郊無壘，天下同文。都尉春田，猶居塞外。單于冬獵，不入漁陽。臣坐牧三邊，非勞七戰，豈能屯兵大夏，封萬里之侯。飛箭聊城，受千金之壽。論其才望，有懼茂弘，先佩印綬，常羞叔度。藝文類聚四十七  
御覽二百四十三



爲寧國公讓中書郎表

臣聞陟彼太行、伯后之車、屢怠望茲吳坂、少游之馬難躋、藝文類聚作進

御覽是知美非流水、立致摧轍、駿靡浮雲、便期頓轡、起登天漢、寧

陪九萬之風、坐濟星橋、非使千年之翼、豈有幼稱辨慧、足對元禮、

弱標俊穎、能嘲子叔、玉重組長、空見休寵、深宮邃宇、孰知懷憂、藝文類聚四十八初學記

十一御覽二百二十

爲南康王讓丹陽尹表

臣聞劒鏤七星、非有司天之用、御覽作權圖五嶽、寧識崇朝之雲、是

知策彼泥龍、不能令其逐日、乘斯流馬、安可使其奔電、方今振驚

盈庭、白駒空谷、惟帝念功、惟明克允、君子之國、幸聞其讓、石門之

水、獲免于食、藝文類聚五十御覽二百五十二

謝麻日啟

凌渠所奏、弦望既符、邵平之言、錯珠皆合、登臺視朔、視雲物之必



書拂管移灰識權衡之有度初開卷始暫謂春畱末覽篇終便傷  
冬及徘徊厚渥比日爲年

藝文類聚五

謝賚銅硯筆格啟

煙磨青石已賤

初學記作踐

孔氏之壇管撫

初學記作搯

銅龍還笑王生之

璧西域胡人臥織成之金簪遊仙童子隱芙蓉之行障莫不竝出

梁園來頒狹室

藝文類聚五十八初學記二十一

謝東宮賜宅啟

肩吾居異道南才非巷北流寓建春之外寄息靈臺之下豈望地  
無湫隘里號乘軒巷轉幡旗門容轡蓋況乃交垂五柳若元亮之  
居夾石雙槐侶安仁之縣卻瞻鍾阜前枕洛橋池通西舍之流窗  
映東鄰之棗來歸高里翻成侍封之門夜坐書臺非復通燈之壁  
才下應王禮加阮官成名立無事非恩

藝文類聚六十四

謝東宮古迹啟



竊目仙巖遺傳入握成塵孔壁藏文隨開已盡石書有暗廚畫猶  
飛豈有迹經四代年踰十紀芝英雲氣之巧未損松鉛鵲反鸞驚  
之勢不侵蒲竹必使酒肆來人池流色變將損北海之牘還代西  
河之簡

魏文類聚  
七十四

謝東宮賚內人春衣啟

階邊細草猶推綬葉之光戶前桃樹反訝藍花之色遂得裾飛合  
燕領關分鸞試願采薪皆成畱客

魏文類  
六十七

謝東宮賚米啟

泄水鳴蟬香聞七里瓊山合穎租歸十縣肩吾人慙振藻徒降雲  
間之松職濫便繁空撤家承之俸成珠委地事重逢仙游玉爲糧  
珍踰入楚雖復激水滄流不待濫河之說春風掃地方誦文學之  
篇

魏文類聚  
七十二

謝湘東王賚米啟



竊日月滿則虧、恩來無爽、海潮雖大、萬江恆注、遂使蓮箱委地、不殊陽翟、盈倉接宇、寧異海陵、藝文類聚七十二

謝賚炭啟

識慙曼倩、侶見昆明之灰、清愧伯鸞、不復因人之熱、白孔六帖

謝賚粳米啟

出梁國之口租、兼水陸之殊品、伊尹說而不至、石崇豪所未及遇、處嘿之得賓、同朗之舉著、長河可塞、上德無訓、

謝湘東王賚米啟

味重新城、香踰滂水、連舟入浦、侶彥伯之南歸、積地爲山、疑馬援之西至、不待候沙、同新渝之再熟、無勞拜石、均遼倉之重滿、前恩未遠、爰渥仍流、蠶翟假目、故書裴楷慙其國賜、

荅湘東王賚粳米啟

竊呂農夫力耕、時逢儉歲、疏賤待澤、必取豐年、採斛瀉珠、嘉閭陶



量翻庭委玉欣見馬圖

並載文類聚八十五

荅陶隱居賚木煎啟

竊曰綠葉抽條生于首峯之側紫花標色出自鄒岩之下百邪外禦六府內充山精見書華神在錄木焚火謝盡采擷之難啟旦移申窮淋瀝之劑故能競爽雲珠爭奇冰玉自非身疲掌硯役倦攀桃豈可立致還年坐生羽翼臨洗丹井方覺可捐鄆縣菊泉無勞復汲庶得遨遊海岸追涓子之塵馳驚霍山共陳生爲侶謠俗輕施尚曰難酬出世鴻恩寧知上報

執文類聚八十一

荅陶隱居賚木蒸啟

味重金漿芳踰玉液足使芝慚九明丹愧芙蓉坐致延生伏深銘載

執文類聚八十一  
一大觀本草六

謝齊菱啟

上林紫水雜蘊藻而俱浮雲夢清池間芙蓉而外發珍踰百味來



薦畫盤恩重千金遂沾菲席凌霜朱橘愧此開顏合露蒲桃慚其

不餽

藝文類聚  
八十二

謝武陵王賁絹啟

肩吾啟蒙賁絹二十四匹清河之珍巨圍慙其束帛關東之妙潛織  
陋其卷縮下官謬奉扁舟暫瞻還旆而天人凝盼增餘論之榮江  
漢安流無所涸之阻遂使鶴露霄凝輕絺立變雁風朝急冶服成  
溫有謝筆端無辭陳報不任下情謹奉啟事謝聞謹啟

見藝文類  
聚八十五

謝武陵王賁白綺綾啟

圖雲緝鶴鄴市稀逢寫霧傳花叢臺罕遇雖復馬均騁思比巧猶  
慙虞卿受金方恩未重比扁舟獨反燕路有心載寶言歸銜珠無

日

藝文類聚  
八十五

謝賁梨啟



雖陽東苑子園三尺新豐箭谷枝懸六斤未有生因粉水產自銅  
上影連鄧橘林交苑林遠薦中廚爰頒下室事同靈棗有願還年

恐侶仙桃無因畱核藝文類聚八十六

謝湘東王賚甘啟

名傳地理遠自武陵之洲族茂神經遙聞建春之嶺王逸為賦取  
對荔枝張衡制辭用連石蜜足使萍實非甜蒲萄猶餽藝文類聚八十六初

學記二  
十八

謝賚橘啟

光分璇宿影接銅峯去青馬之迢遞服朱圓之爽塏楚原洪筆  
記不遇陳王麗藻賦稱遙植昔朝歌季重纔賜海魚大理元常止

蒙秋菊藝文類聚八十六

謝賚朱櫻啟

成叢殿側猶連製賦之條結實西園非復粘蟬之樹異合浦之歸



來疑藏朱實同秦人之逐彈倡得金丸

蜀文類聚八十六  
初學記二十八

謝東宮賚栗啟

查或火成鑽曰爲屑柰稱煎用曝而成糗未若北燕巨實用奪榮  
枯南國脯山翻慙齒決承恩踴躍對聞喜之河念報屏營問知來  
之鳥

魏文類聚  
八十七

謝賚林擒啟

丹徒故苑歲綿長而不見岷山雖植路重阻而來難未有徙核圓  
丘移根閭坂仙廚始摘猶口青玉之盤下賤爰頒遂入拙蒲之座  
苑文類聚  
八十七

謝賚檳榔啟

形均綠竹詎歸山壇色譬青桐不生空井事踰紫柰用兼芳菊方  
爲口實永日蠲痼

謝東宮賚檳榔啟



無勞朱實兼荔枝之五滋能發紅顏類芙蓉之十酒登玉案而上

陳出珠盤而下逮澤深溫柰恩均含棗藝文類聚八十七

荅餉綾綺書

潔同雪霜華踰紵綺長裾可曳無愧王門之賓廣袖將裁翻有城

中之製藝文類聚八十五

東宮玉帳山銘

玉帳寥廓崑山抵鵲總葉成帳連枝起幕玉葉難徙金花不落隱

士彈琴仙人看博巖畱故鼎寵聚新制黃石初爛燒丹欲成桑田

屢盡海水頻傾長聞鳳笛永聽簫聲藝文類聚七又見文苑英華七百八十七呂為廣信作

團扇銘

武王玄覽造扇于前班生瞻博白綺仍傳裁筠比霧裂素輕蟬片

月內掩重規外圓炎隆火正石鑠沙煎清逾蘋末盤等寒泉恩深

難恃愛極則遷秋風颭至篋筥長捐勒銘華扇敢薦夏筵藝文類聚六十一



## 書品序

玄靜先生曰、予編求邃古、逖訪厥初、書名起于玄洛、字勢發于倉史、故遺結繩、取諸文、象諸形、會諸人事、未有廣此緘滕、深茲文契、是目一畫加大、天尊可知、二力增土、地卑可審、日、君道、則字勢圓、月、臣輔、則文體缺、及其轉注假借之流、指事會意之類、莫不狀範毫端、形呈字表、開篇翫古、則千載共朝、削簡傳今、則萬里對面、記善則惡自削、書賢則過必改、玉卮頌正而化俗、帝載陳言而設教、變通不極、日用無窮、與聖同功、參神竝運、爰洎中葉、捨煩從省、漸失頽川之言、竟逐雲陽之字、若乃鳥迹孕于古文、壁書存于科斗、符陳帝璽、摹調蜀漆、署表宮門、銘題禮器、魚猶捨鳳、鳥已分蟲、仁義起于麒麟、威形發于龍虎、雲氣時飄五色、仙人還作兩童、龜若浮溪、蛇如赴穴、流星疑燭、垂露似珠、芝英轉車、飛白掩素、參



差倒薤、既思種柳之謠、長短懸針、復想定情之製、蚊腳傷低、鵲頭  
仰立、填飄板上、謬起印中、彼回墮鏡之鸞、惜顧雕陵之鵲、竝曰篆  
籀重復、見重昔時、或巧能售酒、或妙令鬼哭、信無味之奇珍、非趨  
時之急務、且具錄前訓、今不復兼論、惟草正疏通、專行于世、其或  
繼之者、雖百代可知、尋隸體發源秦時、隸人下邳程邈所作、始皇  
見而重之、曰奏事繁多、篆字難製、遂作此法、故曰隸書、今時正書  
是也、草勢起于漢時、解散隸法、用曰赴急、本因草創之義、故曰草  
書、建初中、京兆杜操、始曰善草、知名、今之草書是也、余自少迄長、  
畱心茲藝、澡手謝于臨池、銳意同于削板、而蕺山之扇、竟未增錢、  
凌雲之臺、無因誠子、求諸古迹、或有淺深、輒刪善草、隸者一百二  
十八人、伯英曰稱聖居首、法高曰追駿處末、推能相越、小例而九  
引類相附、大等爲三、復爲略論、總名書品、



張芝伯英 鍾繇元常

王羲之逸少

隸既發源秦始草乃激流齊祖跨七代而彌遵將千載而無革誠  
開博者也均其文總六書之要指其事籠八體之奇能拔篆籀于  
繁蕪移楷真于重密分行紙上類出蠶之蛾結畫篇中似聞琴之  
鶴峯嶠間起瓊山慙其斂霧漪瀾遞振碧海愧其下風抽絲散水  
定其下筆倚刀較尺驗于成字真草既分于星芒烈火復成于珠  
佩或橫牽豎掣或濃點輕拂或將放而更畱或因挑而還置故思  
藏于胸中巧意發于毫鋸詹尹端策故目迷其變化英韻傾耳無  
目察其音聲殆善射之不注妙斲輪之不傳是曰鷹爪舍利出彼  
兔毫龍管潤霜遊茲蠶尾學者鮮能具體窺者罕得其門若探妙  
淵深盡形得勢烟華落紙將動風彩帶字欲飛疑神化之所爲非  
人世之所學惟張有道鍾元常王右軍其人也張工夫第一天然  
次之衣帛先書稱爲草聖鍾天然第一工夫次之妙盡許昌之碑



窮極鄴下之牘王工夫不及張天然過之天然不及鍾工夫過之  
羊欣云貴越羣品古今莫二兼撮眾法備成一家若孔門曰書三  
子入室矣允為上之上

書品論二上之中

崔瑗子玉 杜度伯度 師宜官  
張昶文舒 王獻之子敬

崔子玉擅名北中迹罕南度世有得其摹者王子敬見之稱美曰  
為功類伯英杜度濫觴于草書取奇于漢帝詔復奏事皆作草書  
師宜官鴻都為最能大能小文舒聲劣于兄時云亞聖子敬泥帚  
早驗天骨兼目御筆復識人工一字不遺兩葉傳妙此五人允為  
上之中

書品論三上之下

索靖幼安 梁鵠孟皇 韋誕仲將 皇象休明  
胡昭孔明 鍾會士季 衛瓘伯玉 滿與長流  
阮研文機



幼安敏蔓舅氏抗名衛令孟皇功盡筆力字入帳中仲將不妄染毫必須張筆而左紙孔明動見模楷所爲胡肥而鍾瘦休明斟酌二家聯駕八絕士季之範元常猶子敬之稟逸少而工拙兼效真草皆成伯玉遠慕張芝近參父述長眉狸骨方擬而難迫阮研居今觀古盡窺眾妙之門雖復師王祖鍾終成別構一體此九人允爲上之下

書品論四中之

張超子竝

郭伯道

劉德昇君嗣

崔賢子真

衛夫人名鑣字茂綺

李式景則

庾翼稚恭

蘇楷方回

謝安安石

王珣季珍

桓立敬道

羊欣敬元

王僧虔

孔琳之彥琳

殷鈞季和

子竝崔家州里頗相倣效可謂醬鹹于鹽冰寒于水伯道里居朝廷遠討其迹德昇之妙鍾胡各採其美子真俊才門法不墜李妻衛氏自出華宗景則毫素流靡稚恭聲彩道越蘇楷安石草正竝驅季珍桓立筋力俱駿羊欣早隨子敬最得王體孔琳之聲高宋



氏王僧虔雄發齊代殷均頗耽愛好終得肩隨此一十五人允為  
申之上

書品論五

申之

魏武帝曹操孟德吳主元宗孫皓衛覲伯儒

左子邑伯字衛恆巨山杜預元凱王虞世將

張彭祖任靖章旭文休王修敬仁范懷約

張永景初吳休簡施方泰

魏帝筆墨雄贍吳主體裁綿密伯儒兼敘隸草子邑分鑣梁邱巨

山三世元凱累葉王虞為右軍之師彭祖取羲之之道任靖矯名

文休題柱敬仁清舉致畏逼之詞張范逢時俱東南之美施吳鄴

下後生同年拔萃此十五人允為中之中

書品論六

中之

羅暉叔景趙襲元嗣劉興張昭陸機士衡

朱誕王導茂弘庾亮元規王洽綽超敬輿

張翼宋文帝劉義隆康昕徐希秀謝朓玄暉

劉繪陶隱居弘景王崇素

叔景元嗣竝稱西州劉興之筆札張昭之無憚陸機引才掩迹



朱誕曰偏執流聲王導則列聖推能庾亮則羣公挹巧王洽曰竝通諸法祕超曰晚年取譽張翼善效宋帝康昕希秀孤生謝眺劉繪文宗書範近來少前陶隱居仙才翰彩拔于山谷王崇素繪口靡倫書筆傳于里閭此十八人允為中之下

書品論七下之

姜詡 梁宣 韋秀 鍾輿 何泰 羊忱 晉元帝景文  
諸道人 范曄 蕭宗炳 王答 謝靈運 蕭思話  
薄紹之 敬叔 齊高帝紹伯 庾黔婁 費元琰 孫奉伯  
羊祜叔子

此十九人並擅毫翰動成楷則殆遍前良見希後彥允為下之上

書品論八下之

陽經 諸葛融 楊潭 張炳 岑闢 張輿 王濟  
李夫人 劉穆之 道和 朱齡石 庾景休 張融 思光  
褚元明 孔敬通 王籍 文海

此十五人雖未窮字奧書尚文情披其叢薄非無香草視其涯岸皆有潤珠故遺斯紙目為世玩允為下之中



書品論九下之

衛宣 李邕 陳基 傅庭堅 張口口 陰光 韋熊少  
 季 張騫 曹任 宋嘉 裴邈 羊固 謝晦 傅夫人  
 辟園訓 徐羨之 孔閭 顏寶光 周仁略 張欣泰  
 張燧 僧岳道人

此二十二人皆五味一和五色一彩視其雕文非特刻鵠人人下  
 筆盡止追嚮遺迹見珍餘芳可折誠目駢馳並駕不逮前銘而中  
 權後殿各盡其美允為下之下

書品後序

今引九例該此眾賢猶如立圖積玉炎洲聚桂其中實相推謝故  
 有茲多品然終能振此鱗翼俱上龍門倘後之學者更隨點曝云  
 爾

阮孝緒

孝緒字士宗陳留尉氏人不應徵辟大同二年卒諡曰文貞處  
 士有高隱傳十卷七錄十二卷



七條序

日月貞明、匪光景不能垂照、嵩華載育、非風雲無以懸感、大聖挺生、應期命世、所曰匡濟風俗、矯正彝倫、非夫丘素墳典、詩書禮樂、何曰成穆穆之功、致蕩蕩之化也哉、故洪荒道喪、帝昊興其父畫、結繩義隱、皇顓肇其文字、自斯曰往、洽襲異宜、功成治定、各有方冊、正宗既殄、樂崩禮壞、先聖之法、有若綴旒、故仲尼歎曰、大道之行也、與三代之英、丘未逮也、而有志焉、夫有志曰爲古文、猶好也、故自衛反魯、始立素王、于是刪詩書、定禮樂、列五始于春秋、興十翼于易道、夫子既亡、微言殆絕、七十並喪、大義遂乖、逮于戰國、殊俗異政、百家競起、九流互作、嬴政嫉之、故有坑焚之禍、至漢惠四年、始除挾書之律、其後外有太常太史博士之藏、內有延閣廣內祕室之府、開獻書之路、置寫書之官、至孝成之世、頗有亡逸、乃使謁者陳農求遺書于天下、命光祿大夫劉向及子俊疑作俊等、讎



校篇籍每一篇已輒錄而奏之。會向亡喪帝使歆嗣其前業。乃徙溫室中書于天祿閣上。歆遂總括羣篇奏其七略。及後漢蘭臺猶爲書部。又于東觀及仁壽閣撰集新記。校書郎班固傳毅竝典祕籍。固乃因七略之辭爲漢書藝文志。其後有著述者袁山松亦錄在其書。魏晉之世文籍逾廣皆藏在祕書中外三閣。魏祕書郎鄭默刪定舊文時之論者謂爲朱紫有別。晉領祕書監荀勗因魏中經更著新簿雖分爲十有餘卷而總目四部別之。惠懷之亂其書略盡。江左草創十不一存。後雖鳩集淆亂已甚。及著作佐郎李充始加刪正。因荀勗舊簿四部之法而換其乙丙之書。沒略眾篇之名。總目甲乙爲次。自時厥後世相祖述。宋祕書監謝靈運丞王儉齊祕書丞王亮監謝朓等竝有新進更撰目錄。宋祕書殷琯撰大四部目儉又依別錄之體撰爲七志。其中朝遺書收集稍廣。然所亡者猶大半焉。齊末兵火延及祕閣有梁之初缺亡甚眾。爰命祕



書監任昉躬加部集又于文德殿內別藏眾書使學士劉孝標等重加校進乃分數術之文更爲一部使奉朝請祖暕撰其名錄其尙書閣內別藏經史雜書華林園又集釋氏經論自江左篇章之盛未有踰于當今者也孝緒少愛墳籍長而弗倦卧病閒居傍無塵雜晨光纔啟細囊已散宵漏旣分綠衾方掩猶不能窮究流略探盡祕奧每披錄內省多有缺然其遺文隱記頗好搜集凡自宋齊已來王公搢紳之館苟能蓄聚墳籍必思致其名簿凡在所遇若見若聞校之官目多所遺漏遂總集眾家更爲新錄其方內經史至于術伎合爲五錄謂之內篇方外佛道各爲一錄謂之外篇凡爲錄有七故名七錄昔司馬子長記數千年事先哲愍其勦雖復稱爲良史猶有措拾之責况總括羣書四萬餘卷皆討論研覈標判宗旨才愧疏通學慚博達庶班嗣之賜書微黃香之東觀儻欲尋檢內寡卷軸如有疑滯傍無沃啟其爲紕繆不亦多乎將恐



錄字下脫如  
有刊正請俟  
君子昔劉向  
校書輒爲一  
錄四句

後之罪予者豈不在于斯錄論其指歸辨其訛謬隨竟奏上皆載  
在本書時又別集眾錄謂之別錄卽今之別錄是也子歆撮其指  
要著爲七略其一篇卽六篇之總最故曰輯略爲名次六藝略次  
諸子略次詩賦略次兵書略次數術略次方伎略王儉七志改六  
藝爲經典次諸子次詩賦爲文翰次兵書爲軍書次數術爲陰陽  
次方伎爲術藝呂向歆雖云七略實有六條故別立圖譜一志呂  
全七限其外又條七略及二漢藝文志中經簿所闕之書并方外  
之經佛經道經各爲一錄雖繼七志之後而不在其數今所撰七  
錄斟酌王劉王呂六藝之稱不足標榜經目改爲經典今則從之  
故序經典錄爲內篇第一劉王並曰眾史合于春秋劉氏之世史  
書甚寡附見春秋誠得其例今眾家記傳倍于經典猶從此志實  
爲繁蕪且七略詩賦不從六藝詩部蓋出其書旣多所曰別爲一  
略今依擬斯例分出眾史序記傳錄爲內篇第二諸子之稱劉王



並同。又劉有兵書略。王曰：兵字淺薄，軍言深廣，故改兵爲軍。竊謂古有兵革、兵戎、治兵、用兵之言，斯則武事之總名也。所已還改軍從兵，兵書既少，不足別錄。今附于子末，總曰子兵，爲稱。故序子兵錄爲內篇第三。王曰：詩賦之名，不兼餘制，故改爲文翰。竊曰：頃世文詞總謂之集，變翰爲集，于名尤顯，故序文集錄爲內篇第四。王曰：數術之稱，有繁雜之嫌，故改爲陰陽、方伎之言，事無典據，又改爲藝術。竊曰：陰陽偏有所繫，不如數術之該通。術裁則濫，六藝與數術不逮方伎之要顯，故還依劉氏各守本名。但房中、神仙既入仙道，醫經經方不足別創，故合術伎之稱曰名一錄，爲內篇第五。王氏圖譜一志，劉略所無，劉數術中雖有脈譜，而與今譜有異。竊曰：圖畫之篇，宜從所圖爲部，故隨其名題。各附本錄，譜既注記之類，宜與史體相參，故載于記傳之末。自斯已上，皆內篇也。釋氏之教，實被中土，講說諷味，方軌孔籍。王氏雖載于篇，而不在志限，卽



理求事未是所安故序佛法錄爲外篇第一仙道之書由來尙矣  
劉氏神仙陳于方伎之末王氏道經書于七志之外今合序仙道  
錄爲外篇第二王則先道而後佛今則先佛而後道蓋所宗有不  
同亦由其教有淺深也凡內外兩篇合爲七錄天下之遺書祕記  
庶幾窮于是矣有梁普通四年歲維單閼仲春十有七日于建康  
禁中里宅始述此書通人平原劉杳從余遊因說其事杳有志積  
久未獲操筆聞余已先著鞭欣然會意凡所鈔集盡已相與廣其  
聞見實有力焉斯亦康成之于傳釋盡歸子慎之書也

古今書最

七略書三十八種六百三家一萬三千二百一十九卷

五百七十二家亡三十一家存

漢書藝文志書三十八種五百九十六家一萬三千三百六十  
九卷



五百五十二家亡、四十四家存、

袁山松後漢藝文志書

案此下當有脫文

八十七家亡、

晉中經簿四部書一千八百八十五部、二萬九百三十五卷、其中十六卷佛經書簿少二卷、不詳所載多少、一千一百一十九部亡、七百六十六部存、

晉元帝書目四部三百五表、三千一十四卷、

晉義熙四年祕閣四部目錄

案此下當有脫文

宋元嘉八年祕閣四部目錄、一千五百六十四表、一萬四千五百八十二卷、

五十五表、四百三十八卷佛經、

宋元徽元年祕閣四部書目錄、二千二十表、一萬五千七十四卷、



齊永明元年祕閣四部目錄五千新足合二千三百三十二卷、  
一萬八千一十卷、

梁天監四年文德正御四部及術數書目錄合二千九百六十八卷、二萬三千一百六卷、

祕書丞殷鈞撰祕閣四部書少于文德書故不錄其數也、

新集七錄內外篇圖書凡五十五部、六千二百八十八種、八千五百四十七卷、四萬四千五百二十六卷、

六千七十八種、八千二百八十四卷、四萬三千六百二十四卷、經書二百三種、一百六十三卷、八百七十九卷、圖符、

內篇五錄四十六部、二千四百五十三種、五千四百九十三卷、三萬七千九百八十三卷、

三千三百一十八種、五千三百六卷、三萬七千一百八卷、經書一百三十五種、一百八十七卷、七百七十五卷、圖也、



外篇二錄九部二千八百三十五種三千五十四卷六千五百三十八卷

二千七百五十九種五千九百七十八卷六千四百三十四卷經書七十六種七十八卷一百卷符圖

七錄目錄

經典錄內篇一

易部六十四種

案六十舊作本誤合二字爲一也今改正

九十六帙五百九十卷

尚書部二十七種二十八帙一百九十卷

詩部五十二種六十一帙三百九十八卷

禮部一百四十種二百一十一帙一千五百七十卷

樂部五種五帙二十五卷

春秋部一百一十一種一百三十九帙一千一百五十三卷

論語部五十一種五十二帙四百一十六卷



孝經部五十九種、五十九帙、一百四十四卷、

小學部七十二種、七十二帙、三百一十三卷、

右九部五百九十一種、七百一十帙、四千七百一十卷、

記傳錄內篇二

國史部二百一十六種、五百九帙、四千五百九十六卷、

注厯部五十九種、一百六十七帙、一千二百二十一卷、

舊事部八十七種、一百二十七帙、一千三十八卷、

職官部八十一種、一百四帙、八百一卷、

儀典部八十種、二百五十二帙、二千二百五十六卷、

法制部四十七種、九十五帙、八百八十六卷、

偽史部二十六種、二十七帙、一百六十一卷、

雜傳部二百四十一種、二百八十九帙、一千四百四十六卷、

鬼神部二十九種、三十四帙、二百五卷、



土地部七十三種、一百七十一帙、八百六十九卷、  
譜狀部四十二種、四百二十三帙、一千六十四卷、

簿錄部三十六種、六十二帙、三百三十八卷、

右十二部、一千二十種、二千二百四十八帙、一萬四千八百  
八十八卷、

子兵錄內篇三

儒部六十六種、七十五帙、六百四十卷、

道部六十九種、七十六帙、四百三十一卷、

陰陽部一種、一帙、一卷、

法部十三種、十五帙、一百二十八卷、

名部九種、九帙、二十三卷、

墨部四種、四帙、二十九卷、

縱橫部二種、二帙、五卷、



雜部五十七種、二百九十七帙、二千三百三十八卷、

農部一種一帙三卷、

小說部十種、十二帙六十三卷、

兵部五十八種、六十一帙二百四十五卷、

右一十一部、二百九十種、五百五十三帙、三千八百九十四

卷、

文集錄內篇四

楚辭部五種、五帙二十七卷、

別集部七百六十八種、八百五十八帙、六千四百九十七卷、

總集部十六種、六十四帙、六百四十九卷、

雜文部二百七十三種、四百五十一帙、三千五百八十七卷、

右四部一千四十二種、一千三百七十五帙、一萬七百五十

五卷、



術伎錄內篇五

天文部四十九種、六十七帙、五百二十八卷、

緯識部三十二種、四十七帙、二百五十四卷、

厯竿部五十種、五十帙、二百一十九卷、

五行部八十四種、九十三帙、六百一十五卷、

卜筮部五十種、六十帙、三百九十卷、

雜占部十七種、十七帙、四十五卷、

刑法部四十七種、六十一帙、三百七卷、

醫經部八種、八帙、五十卷、

經方部一百四十種、一百八十帙、一千二百五十九卷、

雜藝部十五種、十八帙、六十六卷、

右十部五百五種、六百六帙、三千七百三十六卷、案已上內篇每錄總

數多與每部下數不合、外篇之仙道錄亦然、皆引明集傳寫之誤也、今無、日知爲孰是、仍其舊而錄之、



佛法錄三卷外篇一

戒律部七十一種、八十八帙、三百二十九卷、

禪定部一百四種、一百八帙、一百七十六卷、

智慧部二千七十七種、二千一百九十帙、三千六百七十七卷、

疑倡部四十六種、四十六帙、六十卷、

論記部一百一十二種、一百六十四帙、一千一百五十八卷、

右五部二千四百一十種、二千五百九十六帙、五千四百卷、

仙道錄外篇二

經戒部二百九十種、三百一十八帙、八百二十八卷、

服餌部四十八種、五十二帙、一百六十七卷、

房中部十三種、十三帙、三十八卷、

符圖部七十種、七十六帙、一百三卷、



右四部四百二十五種四百五十九帙一千一百三十八卷  
文字集略一帙三卷序錄一卷

正史刪繁十四帙一百三十五卷序錄一卷

高隱傳一帙十卷序例一卷

古今世代錄一帙七卷

序錄二帙二十一卷

雜又一帙十卷

聲緯一帙一卷

右七種二十一帙一百八十一卷

案此數亦不合說見前

阮孝緒撰不足編諸前錄而載于此

廣弘明集三

### 高隱傳論

夫至道之本貴在無爲聖人之跡存乎拯弊弊拯由跡跡用有乖  
于本本既無爲爲非道之至然不垂其跡則世無目平不究其本



則道實交喪。且旦將存其跡。故宜權晦其本。老莊但明其本。亦宜深抑其跡。跡既可抑。數子所已有餘。本方見晦。尼丘是故不足。非得一之士。闕彼明智。體之之徒。獨懷鑒識。然聖已極照。反創其跡。賢未居宗。更言其本。良由跡須拯世。非聖不能。本實明理。在賢可照。若能體茲本跡。悟彼抑揚。則孔莊之意。其過半矣。梁書阮孝緒傳

賜進士出身。品銜廣東等處提刑按察使司按察使兼管驛傳事務蕭岡王毓藻校刊



全梁文卷六十七

烏程嚴可均校輯

任孝恭

孝恭字孝恭臨淮臨淮人爲奉朝請進司文侍郎兼中書通事舍人太清二年死侯景之難有集十卷

爲羊侍中讓表

搏風扇翮不覺高升擊水揚鬚遂迷遠大猶願長城巨防射魯仲之書白羽朱旗振武安之瓦演入五千張空拳已報主橫行十萬勒燕嶺而酬君

按文類聚四十八

爲汝南王檄魏文

夫大盜移國終繼梟獍之誅兇狡憑陵必致殲夷之戮所曰董卓稱亂徒藉羣雄之手王莽偷安卒成光武之業故市耀臍燈府傳飲器我有魏今臨一境十世相承保乂黔黎事踰年祀余朱榮胡



貊遺種邊塞是居姦尤妄才固愚醜類茹血滄腥本非八品依隨  
水草取類馬牛而包藏禍圖竊懷反噬遂長驅種落用襲我周南  
率彼酋豪侵陵我河縣所引流離播越亟淹星紀仰慕園陵俯傷  
黎庶遂得式仰唐朝宣奉舜闕梁大皇帝功踰五帝道邁三王負  
辰當軒平章百姓垂拱而治協和萬邦今遣同州刺史范遵等董  
率前鋒揚旌致討先取滑臺鼓行金谷關東英俊河北雄才痛桑  
梓淪蕪室家顛殞飲氣吞聲志申讎怨士各懷歸民思父母表裏  
符契神靈響集王者之師有征無戰鋒刃所裁幸勿羅染

魏文類  
卷五十

爲何敬容移報東魏文

侍中宣惠將軍尙書左僕射何敬容報魏執事成湯二十七征志  
唯靜難軒轅五十二戰義在拯民既異時而同致信殊政而一揆  
豈其黷武已窮兵靈爲仗威而尊大我皇帝降茲仁聖承彼百王



負扈君臨不巳四海爲貴冕旒日吳常巳百姓爲心同二儀已覆  
載一六合而光宅德日義吳道邁唐虞諒開闢之一君信典謨而  
其擬均心彼我等悅怨親物有常懷人無異念自北闕紛擾河洛  
沸騰北維索家蕭牆起釁事伯譚尙義類關沈競尋干戈民無定  
主候馬泣師月陳庭廡裹糧請救日填闕下單民有時雨之望遺  
黎興後后之悲誠感仁恕理惻皇慈任好璫璫納二晉君小白區  
區存三亡國況我朝廷盍忘拯救是已命師薄伐至於伊川雲旌  
展張非爲翫武鉦鼓載陳豈尙威力湯武不祀周有義兵匹夫是  
讎尺土非利百戰百勝非善之善九拒九攻終勞率土納隍之慮  
無忘寢食李陵失律催身晉陽獲彼來移文見委曲知魏當壁得  
人龜兆有主作相惟賢棟梁克室欲偃兵戎式敦鄰好九皋旣響  
喚天已聞銅山一啟靈鍾斯應矧乃出其言善千里莫違嘉言孔  
昭良已收納且敵怨敵惠不在後闕亡羊補牢亦所未失移至之



日、輒以奏聞、卽蒙詔可、不爽來意、行符緣邊、偃兵解甲、庶烽火不  
警、邊亭息候、征夫捨刀斗之勤、處婦無憤望之志、尋常不爭、農桑  
是務、分災恤患、繼好息民、稜在此歲、公情無疑難、還使齋移、報彼  
來懷、文苑英華  
六百五十

答魏初和移文

蓋聞軒轅五十二戰、義在拯民、湯武二十七征、本惟靜難、明異時  
而同致、信殊政而一揆、我皇帝屈茲上聖、承彼百王、卷六合而包  
容、引二儀而覆載、照高日月、澤富雲雨、值魏氏紛綸、並離星孛、競  
尋干戈、爭自興廢、王無卒歲、相不浹辰、隻馬泣師、月陳庭闕、裹糧  
請救、目款關扉、故屢動雲旌、再驅蒼兕、同小白之存亡、等任好之  
繼絕、匹婦是讎、尺土非利、然百戰百勝、猶苦四民、九拒九攻、終勞  
萬姓、納皇之念、無忘日昃、李陵失律、暫摧羽鱗、同孟明之反秦、侶  
荀彧之歸晉、并資來移、聞之委曲、知彼當壁得人、兆龜有主、欲偃



兵戈式敦雅好，鶴鳴九皋。戾天已響，出其言善。良日欣然，輒勒綠  
邊屯戍，各息烽警。旌旗盡卷，刁斗夜停。混雞犬于四鄰，接桑麻于

二境。

藝文類聚五十八  
此與文苑英華五異 案

辭縣啟

但日執笏丹墀，累飛庭葉。垂纓禁裏，屢改欄花。願慕階墀，不願違

奉不使戀主之心，施于犬馬。傾日之志，偏在葵藿。

藝文類  
聚五十

謝賚錢治宅啟

繩樞斷續，薄雨已傾。席戶穿闌，微風自卷。不悟恩隆，問舍降自天

造事深，更宅乃被。庸微跪條，可投毀垣。再築遂得，窗臨上路。戶望

東家人悅，爽塏里驚。輪奐門學于公，逆容駟馬巷。均王濟豫，擬幃

旗。

藝文類聚  
六十六

謝裙襦啟

加日庭闕，桑麻室空。機杼牀無，暖席桁靡。懸衣值蓬，卷北郊雁。飛



南浦雪間河陰冰生海岸而繩帶屢盡苦風霜之切弊履恒穿踐  
泥沙之凍自憐袖短雖內手而猶寒每恨衣輕徒斂襟而彌愴

類聚六

十七

謝示圖恭啟

隱雷自天昆蟲已聽浮陰在漢柱礎先震笑古人之不工知前事  
之已拙既妙藉手傳乃事因辭見微而能顯婉已成章孝恭人實  
下愚才歸末品效噸醜反學步蹇歸文業未彰武功已墜內愧齊  
策外羞魯服濫出簪纓非增後車之數謬頒計食空貴長安之米

藝文類聚

七十四

爲李慶州孟堅使與覃無名書

昔陸賈皇華定交知于南越長卿披繡通夷險于夜郎故傳美于  
往書流芳于篆素足下南中盛族嶺表豪門籍譽既深承芳已舊  
但道騰風雲論平生而是卽江山間阻銜杯酌呂何因空想神魂



徒勞夢寐、僕世稟威儀、門勒鍾鼎、提戈海岳、推轂數千、逮我不才、  
無兼文武、鴻私弗替、應茲閭外、麾蓋所臨、實宣慈造、足下刺舉一  
隅、同奉家國、進止之宜、實俟高算、魏文類聚五十三

武帝集序

文佚

建陵寺刹下銘

文佚

多寶寺碑銘

寶傳茲日、法像斯時、瞻風候景、石陛開基、準繩秋子、取則迦夷、業  
隆千載、道盛一期、上當星紀、下接蓮峯、還瞻朱閣、卻背青松、朝雲  
曖曖、夕霧溶溶、階通獸迹、徑有禽蹤、衣移峻岳、錫叩飛泉、土木綿  
綿、玉石雕鏤、寶階雲構、綺壁霞鮮、連舒藻井、芝繞蘭楹、法堂每誼  
禪室恒靜、藏韜仙說、臺含佛影、葉下秋林、烟生春嶺、魏文類聚七十七

祭雜墳文

惟爾冥然往代、求圓石而無名、邈矣遐年、計方塼而不記、封樹遭



參誰別羽商之家墳。壟傾迴終迷庚癸之向。近創此伽藍。實須泥丸命彼碩人。置茲屯邑。不謂綸繩所用。遂毀牛亭之基。鐵錘所侵。爰傷馬鬣之勢。重使翠幕臨風。佳城見日。昔靈沼枯骨。周王改日衣冠。廣武橫尸。漢主加其轡轡。輒勒彼山虞。覆頽墜于舊趾。命茲匠者。修反壤于故林。還蟻結之文。依侶坊之勢。幸得宜陽大道。無變無移。京兆長阡。勿迴勿徙。庶幽魂遊止。踐昔徑而不疑。塗車往還。瞻舊轍而猶在。藝文類聚四十

賽鍾山蔣帝文

嘗聞河南少雨。漢主避其正殿。許下輟澗。魏后計彼塵書。和氣乖運。陰陽舛互。風至若湯。雲生猶火。速能制茲東井。告彼南箕。水滿畢星。氣衝卯地。使君子有聲聲之心。耕天無惑惑之念。藝文類聚一百

謝郁

郁會稽人。爲豫章世子侍讀。有集五卷。



致書戒何敬容

草萊之人聞諸道路君侯已得瞻望朝夕出入禁門醉尉將不敢呵灰然不無其漸甚休甚休敢賀于前又將弔也昔流言裁作公旦東奔燕書始來子孟不入夫聖賢被虛過已自斥未有嬰時戮而求親者也且曝鮑之鱗不念杯杓之水雲霄之翼豈願籠樊之糧何者所託已盛也昔君侯納言加首鳴玉在要回豐貂日步文昌登高蟬而趨武帳可謂盛矣不日此時薦才拔士少報聖主之恩今卒如爰絲之說受責見過方復欲更窺朝廷缺望萬分竊不爲左右取也昔竇嬰楊惲亦得罪明時不能謝絕賓客猶交黨援卒無後福終益前禍僕之所弔實在于斯人人所目煩猶有踵君侯之門者未必皆感惠懷仁有灌夫任安之義乃戒翟公之大器冀君侯之復用也夫在思過之日而挾復用之意未可爲智者說矣君侯宜杜門念失無有所通築茅茨于鍾阜聊優游日卒歲見



可憐之意著待終之情復仲尼能改之言惟子貢更也之譬少戢  
言于眾口微自救于竹帛所謂失之東隅收之桑榆如此令明主  
聞知尙有冀也僕東舉鄙人入亢幸無銜寢恥天下之士不爲執  
事道之故披肝膽示情素君侯豈能鑒焉梁書何敬容傳

黃士龍

士龍師事庾承先

爲先師讓刺史湘東王贈賻

先師平素食不求飽衣不求輕凡有贈遺皆無所受臨終之日誠  
約家門薄棺周形巾褐爲斂雖蒙賚及不敢輕承教旨已違平生  
之操錢布輒付使反南史七十六  
庾承先傳

大士傅弘

弘一作翕義烏縣雙林鄉人捨宅爲寺棲止終身天監六年迎  
爲講師



致武帝書

雙林樹下當來解脫善慧大士白國主救世菩薩今欲修上中下善希能受持其上善略曰虛懷爲本不著爲宗亡相爲因涅槃爲果其中善略曰治身爲本治國爲宗天上人間果報安樂其下善略曰護養眾生勝殘去殺普令百姓俱稟六齊今聞皇帝崇法欲伸論義未遂襟懷故遣弟子傅暉馳書告白

續高僧傳景德傳燈錄

心王銘

觀心空王玄妙難測無名無相大有神力能滅千災成就萬德體性雖空能施法則觀之無形呼之有聲爲大法將心戒傳經水中鹽味色裏膠青決定其有不見其形心王亦爾身內居停面門出入應物隨情自在無礙所作皆成了本識心識心見佛是心是佛是佛是心心念佛心佛心念佛欲得早成戒心自律淨律淨心心卽是佛除此心王更無別佛欲求成佛莫染一物心性雖空貪瞋



體實入此法門、端坐成佛、到彼岼已、得波羅蜜、慕道真士、自觀自  
 心、知佛在內、不向外尋、即心即佛、即佛即心、心明識佛、曉了識心、  
 離心非佛、離佛非心、非佛莫測、無所堪任、執空滯寂、于此漂沈、諸  
 佛菩薩、非此安心、明心、大士、悟此玄音、身心性妙、用無能改、是故  
 智者、放心自在、莫言心王、空無體性、能使色身、作耶作正、非有非  
 無、隱顯不定、心性雖空、能凡能聖、是故相勸、好自防慎、剎那造作、  
 還復漂沈、清淨心智、如世黃金、般若法藏、盡在身心、無為法寶、皆  
 淺非深、諸佛菩薩、了此本心、有緣遇者、非去來今、元釋念常佛祖  
歷代通載云、昭  
 明太子問大士、何不論義答曰、菩薩所說、非長非短、非廣非狹、  
 非有邊非無邊、如如正理、復有何言、嘗著心王銘一篇

王曼穎

曼穎、太原人、見南平王偉傳  
南史作平原人有補續冥祥記一卷

與沙門慧皎書

弟子孤子王曼穎頓首和南、一日蒙示所撰高僧傳、梓使其綺摭、



刀尋始竟但見偉才紙弊墨渝迄未能罷若迺至法既彼名德已  
興年幾五百時經六代自摩騰法蘭發軔西域安侯支謙荷錫東  
都雖迹標出沒行實深淺咸作舟梁大爲利益固宜油素傳美鈇  
槩定辭昭示後昆揄揚往秀而道安羅什間表秦書佛澄道進雜  
聞趙冊晉史見拾復恨局當時宋典所存頗因其口會兼且攙出  
君台之記糅在元亮之說感應或所商榷幽明不無梗槩况顯偏  
文未足光闡間有諸傳文非隱括景興偶采居山之人僧寶偏綴  
遊方之士法濟唯張高逸之例法安止命志節之科康悅專紀單  
開王季但稱高座僧瑜卓爾獨載元暘超然孤錄唯釋法進所造  
王巾有著意存該綜可擅一家然進名博而未廣巾體立而不就  
梁來作者亦有病諸僧祐成簡既同法濟之責孝秀染毫復復景  
興之誚其唱公纂集最實近之求其鄙意更恨煩冗法師此製始  
所謂不刊之筆絲亙古今包括內外屬辭比事不文不質謂繁難



省元約豈加目高爲名、既使弗逮者恥、開例成廢足使有善者勸、同之二三諸子前後撰述、豈得絜長量短、同年共日而語之哉、信門徒竟無一言可豫、市肆空設千金之賞、方入簞籠函上登麟閣、出內瓊笈、卷舒玉笥、弟子雖實不敏、少嘗好學、頃日厯餘觸途多昧、且獲披來帙、斯文在斯、鑽仰弗暇、討論何所、誠非子通見元則之論、良愧處道知休、弈之書徒深謝、安慕竺曠風流、殷浩憚支遁才俊耳、不見旬日、窮情已勞、扶力此白、目代訴盡、弟子孤子王景

穎頓首和南

梁高僧傳十四

沈續

續吳興人建安王外兵參軍

答釋法雲書難范縝神滅論

弟子續和南垂示敕荅臣下神滅論伏深欣躍、弟子竊惟道不自弘、弘實由人、人須其識、識須其位、周易所稱聖人大賢曰位、豈其



意乎、然或位而不人、或人而不位、三者云備、其理至難、故宣尼絕筆于獲麟、孟軻反身于天爵、誠無其位也、嗚呼、真化殆將淪沒、今天子曰仁聖盛明、據至尊之位、蓋層山可召、眾煦飄其和、不可移也、鐘鼓可召、雞犬亂其鳴、不可聞也、將使慄慄黔首、濟其長夜、自非德合天地、誰能若斯、弟子早沐虛風、旣聞之矣、然而燕雀之集、猶或相舂、飛蓬之門、尙自交構、聖旨爰降、辭高理愜、敦曰人天之善、誠曰莫大之訓、一言作訓、內外俱闡、夫曰孺子入井、凡民猶或傷之、況乃聖慈御物、必曰惻隱爲心、邪能指白馬之非白、猶見屈于中庸、至于神享機外、志存弘化、魍魎擢其頰舌、焉足道哉、神牘天贊、本非窺觀、遂能存示、用慙寡德、弟子沈續和南

弘明集十

立神明成佛記注序

夫神道冥默、宣尼固已絕言、心數理妙、柱史又所未說、非聖智不周、近情難用語、語遠故也、是曰先代立儒、談遺宿業、後世通辨、亦淪



滯來身、非夫天下之極慮、何得而詳焉。故惑者聞識神不斷、而全謂之常、聞心念不常、而全謂之斷。云斷則迷其性常、云常則惑其用斷。因用疑本、謂在本可滅、因本疑用、謂在用弗移。莫能精求、互起偏執、乃使天然覺性、自沒浮談。聖王稟曰玄符、御茲大寶、覺先天垂則、觀民設化、將恐支離詭辨、構義橫流、微敘繁絲、伊誰能振。釋教遺文、其將喪矣。是曰著斯雅論、曰弘至典、續早念身空、棲心內教、每餐法音、用忘寢疾、而間情難曉、觸理多疑。至于佛性大義、頓迷心路、既天誥遠流、預同撫覲、萬夜獲開、于昏永曙、分陰之疑、朗然俱澈、竊惟事與理亨、無物不識、用隨道合、奚心不辨。故行雲徘徊、猶感美音之和、游魚踴躍、尙賞清絲之韻。況曰入神之妙、發自天衷、此臣所曰舞之蹈之而不能自己者也。敢曰膚受、謹爲注釋。豈伊錐管、用窮天奧、庶幾回惑所釋焉。弘明集九

褚裕

所下脫  
以字



淮爵里未詳

芳林園甘露頌

福曰德彰慶公業皎短茲嘉露因祥特表翻潤星夕流廿月曉奇  
越彫氛珍逾素鳥至道伊融大化斯肇惟此大化實感天眷降液  
丹墀飛津綺殿九服依風八荒改面敢述朦詞式旌舞忭

初學記  
五天部

宗士標

士標爵里未詳

孝敬寺刹下銘

并序

夫妙覺靈遠隨方應現衣瓶影迹資目護持髮爪齒耳咸能利益  
孝敬寺者公上璣爲亡母楊叔女之所立也波斯請生悲號靡脂  
日碑觀畫泣血盛追卽目三從之居建爲伽藍之地舊井無遷喬  
木猶在前瞻綺陌卻背青門寶殿霞臨長廊霧繞寺初欲暨刹導



倉令鉏曇誕忽有雙舍利降之放光滿室止取得一舍利璣訖就曇誕云已奉送還臺于御前分身爲六後數日中夜忽聞鐘鳴驚視復得一舍利寺主蒨法師夢人謂之曰法身尋降俄而曇誕送舍利并諸處所送其數有八大同六年太歲庚申五月十五日壬戌建刹四眾圍繞歌唄成羣綵鳳珠旛含風曜日與大地而長存隨賢劫日永久乃作銘曰

寶智絕境應有權歸譬空無迹指日齊暉寶舟潛運法雨隨機分形散體調御歸依聿造應真規摹踊現雕飾彪炳丹青葱蒨寫彼金園圖茲紺殿猗歟清信惇孝斯在追慕愷風安親慧海福善隨積薰修無改陵移谷徙暑往寒來衣砒貞石池變澹灰長辭八難永離三災眾生有盡誓願無同

古刻  
叢鈔

又志

梁大同六年太歲庚申五月十五日壬戌菩薩戒弟子公上醮奉



爲亡母楊叔女捨所居宅口僧伽藍皇帝口資名孝敬寺願諸佛  
菩薩龍天口神常加護衛寺舍安立僧眾口口證明弟子璉建立  
功德藉此善根七世久遠眷屬家墓靈貼口口殃疔永使斷絕同  
生口方無量壽國沐浴口口口口通寤无生忍六道四生皆得  
解脫其登菩提入正覺路現世兒孫長幼竝願安隱無餘煩惱卽  
碑口中妙願皆悉果遂

古刻  
叢鈔

庾元威

元威爵里未詳

御覽作唐元威未知孰是

論書

所學正書宜曰殷鈞范懷約爲主方正循紀修短合度所學草書  
宜曰張融王僧虔爲則體用得法意氣有餘章表牋書于斯足矣  
夫才能則關性分耽嗜殊妨大業但令緊快分明屬辭流便字不  
須體語輒投聲若曰已已莫分東東相亂則兩王妙迹二陸高才



頃來非所用也。王延之有言曰：勿欺數行尺牘，卽表三種人身。豈非一者學書得法，二者作字得體，三者輕重得宜，意謂猶須言無虛出，斯則善矣。近何令貴隔勢傾朝野，聊爾疏漏，遂遭十穢之書。今聊存兩字，書曰有寒，上自陳簡於掌選。詩云：俊能自寡薄。支葉復單貧。柯條濫垂景，木石詎知晨。狗馬雖難畫，犬羊誠易馴。效顰終未侶，學步豈如真。實云朝亂緒，是曰數彝倫。俗作于茲，混人途自此池。離合之詩，由來久矣。不知譏刺，爰加稱贊，是其第六穢也。近來貴宰于二品清官，進不假手作書，而筆跡過鄙，無法度。彼恭拜忽云：永感。答人借車，還白不具。真本流傳，合朝恥辱，是其第七穢也。目此而言，書何容易。且梁制與平吉人賤書，有壞懷語者，不得答書。許乃告絕。私弔答中，彼此言感恩，乖錯者。州望須刺大中，正處入清議，終身不得仕。盛名年少，宜留意勉之。余見學阮研書者，不得其骨力，婉婉唯學，變姿盡學，薄紹之書者，不得其批研。



淵微徒自經營峻急、晚途別法、合省愛異、濃頭纖尾、脚腰頓足、一  
八相侶、十小難分、屈等如勾、變前爲草、咸言祖述王肅、無妨目有  
訛謬、呈不從生、籍不從末、許慎門徒、居然囁嚅、衛恆子弟、盡不傷  
嗟、註誤眾家、豈宜改習、書字之興、由來尙矣、沮誦倉頡、黃帝史也、  
周宣王時、柱下史史籀、始著籀書、今六八之法、雖存、十五之篇亡  
矣、及秦相李斯、破大篆爲小篆、造倉頡七章、中車府令趙高、造爰  
厯六章、太史胡毋敬、造博學七章、後人分五十五章爲三倉上卷、  
至哀帝元嘉中、揚子雲作訓纂、記恠喜爲中卷、和帝永元中、賈升  
郎更續記彥均爲下卷、皆是記字、字出衙人、故人稱爲三倉也、夫  
蒼雅之學、儒博所宗、自景純注解、轉加敦尙、漢晉正史、及古今字  
書、並云倉頡九篇、是李斯所作、今竊尋思、必不如是、其第九章論  
籀、信京劉等、郭云、籀信是陳籀、韓信、京劉是大漢、西土是長安、此  
非識言、豈有秦時朝宰、談漢家人物、牛頭馬腹、先達何自安之、江



左顧儒相係梁初復有任昉及沈約悉未有譏駁余忽橫議實不自許敬俟明哲定其可否而字韻集方言廣雅凡錄字者十有四家許穿鑿賈氏愼乃奏說文曹產開拓許侯爰成字苑說文則形聲具舉字苑則品類周悉追悟典墳字弗全體周禮曰籀斯爲籀繼禮記曰相近爲譌祇致今眾議叢殘音辭騁互蓋由程邈變隸流傳未一鄭公詩譜頗顯其源且書文一反草木相從凡五百六十七部合一萬五千九百一十五字卽曰世中所行十分裁一而今點畫失體深成怪也近有居士阮孝緒撰古今文字三卷窮搜正典次丹陽五官丘陵撰文字指要二卷精加撿發惟此兩書可稱要用余目值明師畱心字法所已坐右作午亶字不依義獻妙跡不逖陶葛名方作蕤蕤不敎晉書不循韻集爰已淺見輕述字府自謂此文或均瑩露齊未王融圖古今雜體有六十四書少年崇倣家藏紙貴而鳳魚蟲鳥是七國時書元常皆作隸書故貽後



來所詰湘東王遣沮陽令韋仲定爲九十一種次功曹謝善助增  
其九法合成百體其中百八卦書爲一曰大爲兩法經文一字方  
寸千言大上止傳可爾鬼書惟有業殺刀斗出千古器尔尋由乎  
內典散隸露書終是飛白意謂此等並非通論今所不取余經爲  
正階侯書十牒屏風作百體閒曰采墨當時眾所驚異自爾絕筆  
惟畱草本而已其百體者懸針書垂露書秦望汲冢書金鵲書王  
文書鵠頭書虎爪書倒薤書偃波書幡信書飛白篆古頑書籀文  
書奇字謬篆制書列書日書月書風書雲書星隸填隸蟲食葉書  
科斗書署書胡書蓬書相書天竺書轉宿書一筆篆飛白書一筆  
隸飛白草古文隸橫書楷書小科書此五十種皆純墨聖文書節  
文書眞文書符文書芝英隸花草隸幡信隸鍾鼓隸龍虎篆鳳魚  
篆麒麟篆仙人篆科斗蟲篆雲篆蟲篆魚篆鳥篆龍篆龜篆虎篆  
鸞篆龍虎隸鳳魚隸麒麟鳳隸仙人隸科斗隸雲隸蟲隸魚隸鳥隸



龍隸龜隸鸞隸虵龍文隸書龜文書鼠書牛書虎書兔書龍草書  
蛇草書馬書羊書猴書雞書犬書豕書此十二時書已上五十種  
皆采色其外復有大篆小篆銘鼎摹印刻符石經象形篇章震書  
倒書反左書等及宋中庶宗炳出九體書所謂緘素書簡奏書牋  
表書弔記書行押書機書葉書半草書全草書此九法極真草書  
之次第焉刪捨之外所存猶一百二十體張芝始作一筆飛白書  
此于井冊等字爲妙所引唯云一筆飛白書則無所不通矣反左  
書者大同中東宮學士孔敬通所創余見而達之于是座上訓荅  
諸君無有識者遂呼爲眾中清閑法今學者稍多解者益寡敬通  
又能一筆草書一行一斷婉約流利特出天性頃來莫有繼者宗  
炳又造畫瑞應圖于卓絕王元長頗加增定乃有虞舜解豕周穆  
狡貊漢武神鳳衛君舞鶴五城九井螺杯魚硯金滕玉英玄圭朱  
草等凡二百一十物余經取其善草嘉禾靈禽瑞獸樓臺器服可



爲玩對者，盈縮其形狀，參詳其動植，制一部焉。此乃青出于藍，而實世中未有，復于屏風上作雜體篆二十四種，寫凡百名，將恐一筆部子凡百屏風傳者逾謬，併懷歎息。世本云：史皇作圖，黃帝臣也。其唐虞之文章，夏后之鼎象，則圖畫之宗焉。其後繪事逾精，丹青轉妙，乃目釘女心痛，圖魚鰓集，敬君目之亡婦，王嬙由此失身。近代陸綬足稱畫聖，所問談者一筆之外，僅可蟬雀。顧長康稱爲三絕，終是半癡人耳。雜體既資于畫，所目附乎書末。

又見御覽七百四十八有刪節

王琰

琰爵里未詳

案隋書滕王綸傳大業初有術者王琰距此五十年蓋別是一人

馳書報黃羅漢

吾至梵境，境帖然。前日所言皆兒戲耳。御覽三百四引三國典略成嚴王琰既至后梵，未見我軍，乃馳書于謹。黃羅漢云：云羅漢入敝梁主疑之。



王彭

彭紹泰未爲中散大夫

與陳丞相牋

今月五日平旦于御路見龍跡自大社至象闕互三四里

陳書武帝紀上

紹泰二年九月壬寅改年曰太平元年進高祖位丞相丁未中散大夫王彭牋稱云云

案此牋距陳受解僅年餘耳其人不見于陳書故編人梁末

賜進士出身二品銜廣東等處提刑按察使司按察使兼管驛傳事務黃岡王毓藻校刊

全梁文卷六十七終